

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo, poljoprivrede, vodoprivrede i šumarstva

P R O G R A M

**UTROŠKA SREDSTAVA S KRITERIJIMA RASPODJELE
„SUBVENCije PRIVATNIM PREDUZEĆIMA I PREDUZETNICIMA -
POTICAJ ZA VETERINARSTVO“ UTVRĐENOG BUDŽETOM
FEDERACIJE BOSNE I HERCEGOVINE ZA 2022.GODINU**

Sarajevo, april 2022. godine

PROGRAM

utroška sredstava s kriterijima raspodjele „subvencije privatnim preduzećima i preduzetnicima - poticaj za veterinarstvo“ utvrđenog Budžetom Federacije Bosne i Hercegovine za 2022. godinu

1. **Period realizacije** od 01.01. do 31.12.2022. godine

2. **Ukupna vrijednost** 2.500.000,00 KM

3. **Namjena Programa**

Ispitivanje zaraznih bolesti bruceloze, tuberkuloze, enzootske leukoze goveda, plavog jezika i salmoneloze. Ispitivanje uzoraka krvi životinja koje su pobacile i kopitara na infektivnu anemiju konja. Ispitivanje službenih uzoraka na prisutnost salmonelle kod žive peradi u odobrenim ili registriranim farmama. Ispitivanje u slučaju pojave bolesti zoonotičnog karaktera i drugih bolesti koje se sporadično javljaju, a čija pojava može značajno uticati na zdravlje životinja ili imati značajne ekonomske posljedice. Ispitivanje na američku gnjiloću pčelinjeg legla (AGPL). Nadoknada štete za uginule, ubijene ili zaklane i neškodljivo uklonjene životinje. Provođenje mjera DDD-a na zaraženim imanjima i transportnim sredstvima. Educiranje vlasnika životinja i dodatno obrazovanje doktora veterinarske medicine putem savjetovanja i seminara. Praćenje zdravstvene ispravnosti hrane životinjskog porijekla u odobrenim i registriranim objektima. Osiguranje dijagnostikuma za potvrđivačke testove

4. **Korisnici Programa**

Veterinarske stanice i ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost, fizičke i pravne osobe – vlasnici neškodljivo uklonjenih životinja.

5. **Izvor sredstava**

Budžet Federacije Bosne i Hercegovine za 2022. godinu, sredstva utvrđena na razdjelu 24, pozicija 6145 "Subvencije privatnim preduzećima i preduzetnicima - Poticaj za veterinarstvo".

6. **Nosilac Programa**

Federalno ministarstvo, poljoprivrede, vodoprivrede i šumarstva

7. **Odgovorno lice**

mr. sci. Šemsudin Dedić, ministar

POGLAVLJE I. UVOD

Program utroška sredstava "Subvencije privatnim preduzećima i preduzetnicima - Poticaj za veterinarstvo" za 2022. godinu (u daljem tekstu: Program) obuhvaća sredstva predviđena za otkrivanje, suzbijanje i iskorjenjivanje zaraznih bolesti životinja, kao i sredstva namijenjena za kontrolu zdravstvene ispravnosti namirnica animalnog porijekla. Dio aktivnosti na otkrivanju, suzbijanju i iskorjenjivanju zaraznih bolesti životinja bit će finansiran od strane Ureda za veterinarstvo BiH.

POGLAVLJE II. CILJEVI I SVRHA PROGRAMA

Programom je obuhvaćeno finansiranje provođenja mjera sprječavanja širenja i iskorjenjivanja zaraznih bolesti koje su zakonska obveza, shodno visini odobrenih sredstava u Budžetu Federacije BiH za 2022. godinu.

U svrhu ispunjenja uslova za izvoz mlijeka na tržište EU kao i tržište susjednih zemalja, neophodno je provesti dijagnostičko ispitivanje mliječnih goveda na brucelozu, tuberkulozu i enzootsku leukozu. Iz Programa će se finansirati provođenje mjera propisanih Programom mjera zdravstvene zaštite životinja i njihovog provođenja, veterinarskim stanicama koje imaju dodijeljeno područje djelovanja u skladu sa Pravilnikom o uslovima za osnivanje i obavljanje veterinarske djelatnosti i dodjelu područja djelovanja („Službene novine Federacije BiH“, broj 5/16)

Tokom 2022. godine iz ovog Programa finansirat će se dijagnostičko ispitivanje na brucelozu, tuberkulozu i enzootsku leukozu svih ženskih goveda i njihovog ženskog podmlatka namijenjenog za daljnji uzgoj. Na tuberkulozu će se ispitati sva ženska grla starija od šest sedmica, na brucelozu starija od 12 mjeseci, a na enzootsku leukozu starija od 24 mjeseca pod uslovom da period od prethodnog ispitivanja na sve tri bolesti nije kraći od šest mjeseci.

Vakcinacija ovaca i koza protiv bruceloze provodit će se na cijelom području Federacije BiH. Sredstva za realizaciju vakcinacije malih preživara protiv bruceloze u 2022. godini osigurat će Ured za veterinarstvo BiH. Sve detalje o načinu provođenja i uslovima za njenu realizaciju propisat će Ured za veterinarstvo BiH putem posebnog uputstva.

Dijagnostičko ispitivanje službenih uzoraka na prisutnost salmonelle kod žive peradi provest će se na odobrenim ili registriranim farmama, s ciljem provjere njihovih programa samokontrole, a prema posebnom Planu kojeg će donijeti Federalno ministarstvo poljoprivrede, vodoprivrede i šumarstva.

Programom je predviđeno finansiranje ispitivanja krvi životinja u slučaju pobačaja na brucelozu, Q-groznicu i leptospirozu.

Programom je predviđeno finansiranje ispitivanja krvi životinja na infektivnu anemiju kopitara.

Službeno uzorkovanje namirnica životinjskog porijekla provest će se u skladu sa posebnim Planom kojeg će donijeti Federalno ministarstvo poljoprivrede, vodoprivrede i šumarstva.

Iz Programa će se finansirati ispitivanje divljih životinja i životinja na imanjima, u slučaju pojave bolesti zoonotičnog karaktera, bolesti plavog jezika i drugih bolesti

koje se sporadično javljaju, a čija pojava može značajno uticati na zdravlje životinja ili imati značajne ekonomske posljedice.

U skladu sa članom 8. Pravilnika o postupku isplate naknade štete za neškodljivo uklonjene seropozitivne životinje („Službene novine Federacije BiH“, br. 98/12 i 88/18), iz Programa će se i u 2022. godini nastaviti finansirati nadoknada vlasnicima uginulih, ubijenih ili zaklanih i neškodljivo uklonjenih životinja u iznosu od 50% procijenjene vrijednosti životinje.

Iz Programa je predviđeno finansiranje seminara, savjetovanja i radionica u skladu sa Programom obuke službenih veterinaru u Federaciji BiH za period 2021. – 2025. godine, te sufinansiranje seminara, savjetovanja i radionica za čije realiziranje se dokaže značaj za suzbijanje bolesti od interesa za Federaciju BiH.

Iz Programa će se finansirati nabavka dijagnostikuma za laboratorijske pretrage životinja sumnjivih na zarazne bolesti koje nisu prisutne na području Federacije BiH, ali se zbog pogoršanja epizootiološke situacije u regiji mogu pojaviti.

U slučaju postavljanja sumnje na američku gnjiloću pčelinjeg legla (AGPL), veterinar koji provodi kliničku pretragu će obvezno uzeti uzorak i dostaviti ga na pretragu koja će se finansirati iz sredstava Programa.

Rezultati dijagnostičkog ispitivanja na zarazne bolesti su pokazatelj epizootiološke situacije u Federaciji BiH i omogućavaju blagovremeno poduzimanje mjera na suzbijanju, sprječavanju širenja i iskorjenjivanju zaraznih bolesti.

Proizvodnja sigurnog proizvoda i dalje je osnovni cilj kada je u pitanju realizacija ovog Programa, sa tim razlogom provodi se službeno uzorkovanje namirnica životinjskog porijekla kako bi se utvrdile smjernice za daljnje preventivno djelovanje.

POGLAVLJE III. USLOVI ZA DODJELU SREDSTAVA

Pravo na finansijska sredstva utvrđena na razdjelu 24, pozicija 6145 "Subvencije privatnim preduzećima i preduzetnicima - Poticaj za veterinarstvo" odobrvat će se fizičkim i pravnim licima koji ispune uslove utvrđene ovim Programom.

Da bi fizička i pravna lica ostvarila pravo na finansijska sredstva iz ovog Programa moraju ispuniti slijedeće uslove:

1. Državljanin Bosne i Hercegovine;
2. Registrirani u Sudskom registru;
3. Rješenje o obavljanju veterinarske djelatnosti;
4. Važeće rješenje o dodjeljenom području djelovanja;
5. Izvršili dostavljanje svih propisanih izvještaja u ostavljenom roku nadležnom organu;
6. Dostavili sve podatke na propisanom obrascu Agenciji za označavanje životinja u svrhu provjere statusa životinja;
7. Izmirio obaveze ili sklopio sporazum o reprogramu duga kod nadležne Porezne uprave Federacije BiH/Uprave za indirektno oporezivanje BiH za 2021. godinu.

POGLAVLJE IV. VISINA I RASPODJELA SREDSTAVA

Sredstva u iznosu od 2.500.000,00 KM raspoređuju se za minimalni obim veterinarskih aktivnosti kako se vidi iz sljedećeg tabelarnog pregleda.

Red. Broj	NAZIV PROGRAMA	SVRHA PROGRAMA	KRITERIJ ZA RASPODJELU	IZNOS u KM	IZVORI SREDSTAVA	PRAVNA/FIZIČKA LICA KOJA PRIMAJU TRANSFER
-----------	----------------	----------------	------------------------	------------	------------------	---

1.	<p style="text-align: center;">Program utroška sredstava s kriterijima raspodjele „subvencija privatnim preduzećima i preduzetnicima-poticaj za veterinarstvo“ utvrđenog Budžetom Federacije Bosne i Hercegovine</p>	<p>A) Ispitivanje zaraznih bolesti bruceloze, tuberkuloze, enzootske leukoze goveda, plavog jezika i salmoneloze. Ispitivanje uzoraka krvi životinja koje su pobacile i kopitara na infektivnu anemiju konja. Ispitivanje službenih uzoraka na prisutnost salmonele kod žive peradi u odobrenim ili registriranim farmama. Ispitivanje u slučaju pojave bolesti zoonotičnog karaktera i drugih bolesti koje se sporadično javljaju, a čija pojava može značajno uticati na zdravlje životinja ili imati značajne ekonomske posljedice. Ispitivanje na američku gnjiloću pčelinjeg legla (AGPL). Nadoknada štete za uginule, ubijene ili zaklane i neškodljivo uklonjene životinje. Provođenje mjera DDD-a na zaraženim imanjima i transportnim sredstvima</p> <p>B) Educiranje vlasnika životinja i dodatno obrazovanje doktora veterinarske medicine putem savjetovanja i seminara.</p> <p>C) Praćenje zdravstvene ispravnosti hrane životinjskog porijekla u odobrenim i registriranim objektima</p> <p>D) Osiguranje dijagnostikuma za konfirmacijske testove</p>	<p>- Broj uzetih uzoraka i broj ispitanih uzoraka. - Za veterinarske stanice cijena uzimanja uzoraka krvi 5,00 KM, tuberkulinizacija 15,00 KM po životinji, - Za veterinarske ustanove cijena pretrage za brucelozu Roze Bengal test 5,50 KM i RVK test 17 KM, Q-groznicu 6,00 KM, enzootsku leukozu goveda 7,50 KM, salmonelu 30,00 KM, bolest plavog jezika 15,00 KM, uzorke krvi životinja koje su pobacile 50,00 KM, infektivna anemija kopitara 30,00 KM, AGPL 10,00 KM. Broj neškodljivo uklonjenih životinja po tržišnoj cijeni na dan uklanjanja Računi za provedene postupke DDD-a. U cijene je uračunat PDV.</p> <p>- Održana savjetovanja i seminari, odobreni zahtjevi za sufinansiranje, štampanje brošura i drugog edukativnog materijala</p> <p>- Broj ispitanih službenih uzoraka na temelju Plana službenog uzorkovanja</p> <p>- Računi o nabavljenim dijagnostikumima.</p>	<p style="text-align: center;">2.393.000,00</p> <p style="text-align: center;">35.000,00</p> <p style="text-align: center;">65.000,00</p> <p style="text-align: center;">7.000,00</p>	BUDŽET FEDERACIJE BIH	<p>Veterinarske stanice, i ustanove koje prema članu 79. Zakona o veterinarstvu („Službene novine Federacije BiH“, broj 46/00) provode veterinarsku djelatnost, fizičke i pravne osobe – vlasnici neškodljivo uklonjenih životinja</p> <p>Odabrani ponuđač u postupku javne nabavke za organizaciju seminara i savjetovanja i organizacije kojima se odobri sufinansiranje</p> <p>Veterinarske ustanove koje prema članu 79. Zakona o veterinarstvu provode veterinarsku djelatnost.</p> <p>Veterinarski fakultet Sarajevo koji prema članu 150. Zakona o veterinarstvu obavlja poslove Instituta za veterinarstvo Federacije BiH.</p>
U K U P N O : 2.500.000,00 KM						